



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Christiana Et Docta Divi Alchimi Aviti Viennensis  
Archiepiscopi, & Claudij Marij Victoris Oratoris  
Massilie[n]sis, poëmata, aliaq[ue] non poenitenda**

**Avitus, Alcimus Ecdicius  
Marius Victor, Claudius**

**Lvgdvni, 1536**

Capvt IIII.

**urn:nbn:de:hbz:466:1-12149**

Hæc mihi deiecto tantum solatia restant;  
 Si nequeo clausos iterū conscendere cœlos,  
 His quoq; claudētur: leuius cecidisse putandū est  
 Si noua perdatur simili substantia casu.  
 Sit comes excidiij, subeat consortia poenæ:  
 Et quos præuideo nobiscum diuidat ignes.  
 Sed ne difficilis fallendī causa putetur  
 Hæc monstrāda via est, dudū quā sepe cucurri  
 In pronum lapsus: quæ me iactantia cœlo  
 Expulit, hæc hominem paradisi è limine pellat.  
 Sic ait, & gemitus vocem clausere dolentis

## CAPVT IIII.

**F**Orte fuit cunctis animalibus altior astu, Genesis. 3.  
 Aemulus arguto callet qui pectore serpens:  
 Huius transgressor de cunctis sumere formam  
 Eligit, aërium statim sibi corpus adaptans:  
 Inq; repentinum mutatus tenditur anguem.  
 Fit longa ceruice draco, splendentia colla  
 Depingit maculis, teretisq; volumina dorsi  
 Asperat, & squāmis per terga rigentibus armat.  
 Qualis vere nouo primis quum mensibus æstas  
 Præmittit latos post frigora pigra tepores  
 Euadit veterem renouatis motibus annum.

c 3 Sicca



Sicca virescenti permutans germina fronde,  
 Sic prodit coluber lucenti pelle tumescens,  
 Et tandem egrediens terrarūq; abdita linquens,  
 Præfert terribilis metuendū forma draconē.  
 Dira micant oculi: tū lumine visus acuto  
 Lætior optatū discit consuescere solem.  
 Nūc stridit blandū, crebro nunc carmine fauces  
 Ludunt, & trifidā dispergūt guttura linguā

## CAPVT

## V.

**E**Rgo vt vipeream malefuada fraude figurā  
 Induit, & totū fallax processit in anguē;  
 Peruolat ad lucū: tū forte rubentia læti  
 Carpebant iuuenes viridi de palmitē māla.  
 Hic veritus serpens firma ne mente virili  
 Non queat effuso subuertere corda veneno;  
 Arboris in vetitæ spiris reptantibus altū  
 Porrigitur: tractumq; suū sublimibus equans  
 Auditū facilem leni sic voce momordit.  
 O felix, mundiūq; decus pulcherrima virgo,  
 Ornat quā roseo præfulgens forma pudore,  
 Tu generi ventura parens: te maximus orbis  
 Expectat matrē: tu prima & certa voluntas  
 Solamenq; viri, sine qua nec viuere possit

Vt maior